



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三四二

澄悅堂詩集十四卷（鶴廳集一卷銀川集一卷河橋集一卷天水集一卷

玉塞集一卷輪臺集一卷昭潭集一卷素衣集一卷扈從集一卷南明集

二卷解組集一卷五友集一卷文石詩一卷）國 梁 撰

抱經堂詩鈔七卷 盧文弨 撰

二七五

抱經堂文集三十四卷 盧文弨 撰

三一七

蒙泉文集四卷栢芝詩集二卷 張九思 撰

六〇七

樂妙山居集二卷（蓬島樵歌一卷續編一卷） 錢沃臣 撰

七二七

綠杉野屋集四卷 徐以泰 撰

七六三

欽惟

皇上御極之十年編輯八旗詩成仰荷

特錫嘉名曰

熙朝雅頌集我

朝發祥遼瀋

龍興雲從文德武功遠超前古故其時之遊卷阿矢雅

音者靡不和其聲以鳴

國家之盛若國公澄悅堂詩其一也公登乾隆丁巳進

士歷階宮庶外授秦粵丞守海擢黔中觀察清華植品

澄悅堂詩集

鐵序

一

寬大宐民所至有國僑之目好爲詩公暇輒吟詠不輟

解組十年閉門卻軌惟日以著書課孫爲事綜其全集

得詩十有四卷余常取而讀之公詩涵詠性情根柢經

史出入於李杜韓蘇諸大家而於蘇詩得力尤深其宦

遊所至時得山川之助故其魄力雄厚吐棄凡近譬萬

鈞之洪鐘無錚錚之細響前編八旗詩時頗以不獲盡

登爲憾洵所謂形雅成頌可以被之管絃登之

郊

廟者矣公孫研農少宰爲余乙卯知貢舉所得士

廷試時余又派司讀卷文字之知若合一契茲少宰視

學皖江以書來問序於余余汨沒簿領鉛槧久荒復何

能序公之詩重以少宰之請爲略述梗概如右他日讀

公之詩者可想見公之爲人卽其餘事爲詩亦足爲我

八旗增重如此則余亦將附公名以傳矣是爲序

嘉慶十三年歲在戊辰仲夏冶亭鐵保拜撰

澄悅堂詩集

鐵序

二

清代詩文集彙編

往吾師冷亭宮保督部輯

熙朝雅頌集采 笠民國公詩四十六首八旗通志言
公遺稿甚富尚未付梓公爲吾師安徽督學研農少宰
之祖今年春謁吾師於太平節署以澄悅堂全集見示
公由庶吉士改官吏部通籍後詩始有存者所作皆注
年月以公自敘年譜參考知人論世粲然可觀生平宦
迹所至踰皋蘭涉秦州西極烏魯木齊其風俗質樸簡
易其爲政務在明利達患敦本崇實旣施之於實事其
見之於詩則平和篤厚不假雕飾而蒼勁絕俗洵乎歷

澄悅堂詩集

吳序

一

百粵泛牂牁攬流峙之秀偉究事理之倚伏枯菀互見
哀樂迭更奇矯鬱勃之氣流離翰墨如游龍階尺木騰
風雲鱗爪攫拏儻忽變幻搖五岳而凌滄洲蓋公亦不
自知其筆力之所至也告歸後閉門卻掃時花疊石欣
然自得時有假託遊戲之作猶深博無涯涘不屑屑豪
末點綴此則公詩之大略也詩凡若干卷雅頌集所編
不及十一吾師眷懷手澤挹味清芬將刊板行世昔左
太冲作三都賦求皇甫士安爲之序蓋援耆學碩望以
引重於世琛於公在私淑之列又公詩在雅頌集中已

上徹

乙覽琛固未可以序公之詩也謹書數語以志向往云
爾嘉慶十三年春二月元和吳廷琛謹識

澄悅堂詩集

吳序

二

自敘

余自束髮受書習帖括家言通籍後始以意稍稍爲詩
率我行我法不斤斤效法古人以故題咏雖夥祇以紀
時事標歲月聊志一時興會而準之古人迄無所似不
可謂成詩也然竊謂古太史采風雖田夫野老婦人孺
子苟有吟諷皆得登之輶軒上之廊廟未嘗沾沾聲律
閨品隲其高下也又況文字視乎學問非可勉強余極
知學殖荒落決不能工且好第以閱時既深夙昔興會
所寄託未忍隨手棄去爰依次哀集分爲十二卷存之

澄悅堂詩集

序

一

篋笥或暇時一檢點之覺猶赫赫若前日事用自省觀
焉雖不工且好庸何傷

乾隆庚子初冬長白國梁丹中氏序

澄悅堂詩集目錄

卷一

鶴廳集

古今體詩一百七十五首

卷二

銀川集

古今體詩一百十二首

卷三

河橋集

古今體詩一百三十八首

卷四

天水集

古今體詩一百二首

澄悅堂詩集

目錄

一

卷五

玉塞集

古今體詩九十九首

卷六

輪臺集

古今體詩一百四十五首

卷七

昭潭集

古今體詩八十五首

卷八

素衣集

古今體詩一百三十五首

卷九

清代詩文集彙編

四

扈從集 古今體詩七十三首

卷十

南明集上 古今體詩二百九十四首

卷十一

南明集下 古今體詩二百三十二首

卷十二

解組集 古今體詩一百三十一首

卷十三

五友集 古體詩二百二首

澄悅堂詩集

目錄

二

卷十四

文石詩 五言斷句八十一首

鶴廳集

僕幼耽韻語未獲師承得句輒隨手棄去丁巳後始閒有存者嗣官司績之署十八載歷境甘苦備嘗吟咏漸夥爰檢出哀錄之名鶴廳集

澄悅堂詩集

鶴廳集

一

澄悅堂詩集卷一

長白 國梁 丹

鶴廳集 乾隆丁巳至己卯

題董思白江山蕭寺圖

斗室挂生綃，倏忽江山起。石劒攢高青，堆向水雲裏。松
濤水濤聽，不出雲峰山。峰相蕭瑟梵王古，殿踞山頂山。
高無霜先見，日老僧策杖江上橋。谷口煙封迷不識，朝
弄江水銀龍翻。夕臥松雲翠，虬濕問僧何來僧。不語寺
門隱，躍飛花雨。水雲花雨都虛無，元氣淋漓歸畫圖。

澄悅堂詩集

卷一

鶴廳集

一

藤花廳詩

昔年從事司空署，庭前盤曲雙藤樹。今年承乏南曹郎，
此樹婆娑復相遇。傳聞此樹由來久，種自少宰匏菴手。
老龍拏攫身連蜷，鱗甲糾結勢欲走。震雷劫火不能殺，
疑有精靈相護守。舊以藤花顏此廳，王澍楷書懸明星。
瘦硬神傳率更令，道古格擬黃庭經。鬱攸作難化爲塵，
易以古隸蔡書紳。仿佛屋漏折釵脚，中郎家法能逼真。
法書轉瞬已再易，人多看花不看葉。看花看葉各有時，
淡與泊遭偶相接。同人翔步此廳下，進退魚魚復雅雅。

紫英貫珠時欲墮，綠雲張繖不能把。五花判事吏人持，
坐令長夏無炎曦。藤花撲簌墜茵席，暫與郎官稱故知。

省中夜雨

誰與相如解宿醒，金莖露下滿郊坰。鯉風吹夜沈雲黑，
龍氣噓空驟雨腥。聲和綺琴終曲靜，寒生粉署一燈青。
豐隆排駕須臾去，仰視寥天空杳冥。

我有

我有耳與目，不爲人聰明。我有手與足，不爲人持行。一
身有真暇，五夢無虛驚。吾神旣已逸，何妨勞吾形。旅進

澄悅堂詩集

卷一

鶴廳集

二

復旅退胡爲不平鳴，世途多坎珂憂貧。亦人情短褐不
蔽體，晨炊或懸鏹。我無尺寸長，微祿聊頤生。暮飲泛綠
蟻，朝餐雪香杭。緼袍騎羸馬，渡獨長安城。與物初無求，
物寧與我爭。寄蹟聲利場，而無塵網攪。持此一片心，長
並松月清。松月有時盡，此心難相傾。

哭舅氏

嗟哉我生胡不辰，期歲失恃難爲人。夢中相遇苦不識，
夢醒翻悟音容真。白雲英英寸艸綠，獨棲陰壑無陽春。
舅氏三人兩隔絕，燕山遼水音書缺。京師相守一舅存，

兩足不仁兩眼昏長子雍柱偕妻死壽格二十歸墓門
二女相繼出閨閣一女病目守荒園呻吟孤牀臥冰屋
時時呼酒伴癡獨女出空房立座隅偶然強笑還如哭
三日不食一夕死踉蹌半世今已矣地下悲號孰與聞
泉臺跋扈誰扶起生時視養願多違一束生芻空復爾
去見吾母相追呼我母念我聲嗚嗚我不見母向誰訴
我不見舅苦如荼一腔隱痛語嗚咽滿眼血淚紅模糊
嗚呼皇天知我哀我無

秋帘

澄悅堂詩集

卷一 鶴廳集

三

野店霜橋面面逢酒旗搖曳引長空一竿斜挂蒹葭雨
半幅平拖橘柚風望隔楓林時隱現收遲霜月乍朦朧
夜闌閒煞提壺鳥冷澹雲飛秋色中

沙窩道中

漸與斥埃遠都無墟市喧天空雲壓野地曠樹分邨黃
葉山家火青燈野店門偶然逢井臼便擬到鄉園

晚行山南道中

到處新眼界薄暮興未闌野空落日大山暝歸雲寒有
見輒通問無人還遠觀崎嶇遲馬步秋意滿吟鞍

大霧

四塞飛金霧蚩尤儼在軍市聲塵外合樓影畫中分陸
海騰龍氣晴空捲墨雲皇初紀混沌應似此氤氲

燈前梅影次綬之韻

爲愛寒梅品格尊挑燈無語伴黃昏紅裳隱約幽姿現
翠袖依稀雅態存四壁冷雲迷鶴夢半牀香雪隱花魂
屏山曲處橫斜掩更認空瓏月下痕

丁卯元日口占

錦衣袈服照青春竹爆驚飛六陌塵馬上相逢齊空首

澄悅堂詩集

卷一 鶴廳集

四

笑看都是隔年人

題僧舍

人間笑語隔春煙竹院閒遊日勝年僧有辯才應臘仕
士無媚骨合枯禪吃如鄧艾真奇遇肥似張蒼定早仙
爲問輒紅香土客何如趺坐釋迦前

四弟與諸同年遊王氏園歸述所見因成長句

元是誰家別墅來於今王氏有亭臺煙浮遠浦蕭蕭竹
水養閒雲點點苔洞隔一天疑路轉閣臨無地任風開
經營築鑿人何在惟有山禽去復回

翠掩重門仙子宮遊蹤未到意塵空界開天色稻田水
撮合春光花塢風曲檻雲封歸徑失橫塘波淨小橋通
若教四季如長夏大可相羊是箇中

瞥見樓臺欲到遲行穿曲徑坐題詩游魚噴沫驚人散
異鳥呼名使客知遊債償應君樂也山盟寒許我尋之
東君一視來遊屐莫遣園丁故故辭

初得船廠舅氏詩卻寄

慈母音容入夢難衰年舅氏又彫殘望雲幸有周親在
奉札終須忍淚看書爲初來愁日暮詩因遠寄帶春寒

澄悅堂詩集

卷一

鶴鳳集

五

誰知墨瀋淋漓處兩地嘯鵠血未乾

西山紀遊

近甸多名山遊屐未出郭今秋偶乘暇訂期解塵縛出
門商所適西山立如卓野色秋無垠四野雲垂幕回飈
一以厲驚沙起磅礴望望近山椒行行繞山腳縮地無
靈符咫尺天涯角一徑入寒林悠然見籬落亭午到巖
腰舍車跨黃馭飛目肆遠眺頓知天宇拓攜僮陟崇嶺
龍堂觀魚躍上爲香界寺盤空響鈴鐸雷聲動邪許霞
氣生棹桡冬官正庀材未許恣探索東折上層巒沿緣

拾靈藥堂皇闕朱軒緣曲亦宏廓絕頂臨敞亭下視煙
漠漠桑乾一錢走墟里千點錯醒目得雙清盪胸破五
濁洞石數丈餘有佛垂珠珞元雲棲其中黝然入重幄
出洞神散朗紅黃滿林薄始知秋絢爛翻覺春寂寞初
循階級登屢憩行且却層折歷舊逕亦多新領略遊興
歡未已靈巖叩金鑰石屋儼三間不識何年鑿爲禮盧
師座排闥入南閣推窗俛深澗直下難臆度坐對錦繡
窩攢峰紛如削夕陽銜半規落霞隨鳥鵲道旁折青枝
扶攜行趁趁詰朝期重登晨景正灼爍漸歷洪德寺頽

澄悅堂詩集

卷一

鶴鳳集

六

敗不堪託老衲八十七龍鍾相語語迤邐越重岡荒涼
今非昨菽田時一喧寒蝗避山雀深遶獅子窩寺古不
雕斲松關一僧接偶與談圓覺朗如獲智珠持向德瓶
淪茲行良不虛歸途有餘樂霜葉紅未勻更與深秋約
省中遇故人

問年轉憶別離難感舊都如夢裏看多少升沈掘指計
愁人最是鬢毛斑
舊境重遊記未全曩時畫鶴半沈煙劉郎看破渾閒事
不共桃花計歲年

述哀

己巳四月二十五日聞 先君子抱病易陽趨
侍湯藥旬日乃瘳旋以事奉 嚴命回京詎五
月二十日復病且革急馳奔赴而音容已不復
覩矣飲痛偷生及今一易寒暑因成絕句六首
志永感焉

客歲茲辰去易陽到門不敢徑登堂爲愁旅夢驚魂顛
暗覩衰顏淚滿牀

病中不敢勸加餐却爲加餐意暫寬但恨倉公書未讀

澄悅堂詩集卷一 鶴鴈集

七

試醫無術製方難

轉瞬魂飛五月天高堂回首淚如泉昔時勉強辭庭下

今日悲嘯總枉然

老屋支撐此尚存慈親何日轉蓬門曩時膝下承歡處

屏際依稀舊坐痕

鞠我何人痛早亡憐兒慈母又凋傷嚴親此去都相會

應爲孤兒哭斷腸

視養多違悔亦遲夢中相遇醒還疑雙親轉眼無尋處

苦恨雞鳴月落時

聞笛

不寐偏善聽衆籟遠相餉何人橫玉笛清音自瀏亮哀
切犯商聲悠揚動遐唱吐氣凝元雲鬱紆不能傍我非
知音者聞之獨惆悵樹立竟若何日月坐奔放

遊萬泉莊王氏園亭

清和四月節仍遲正是餘春戀客時勝侶招邀同雅集
名園徙倚欲忘疲綠雲紅錦高低樹蘭榭樓亭遠近陂
人在畫中人不覺爭看題畫有新詩

紀遊選句記前年親見方知好句妍花塢溪橋春漲地

澄悅堂詩集卷一 鶴鴈集

八

風廊竹樹雨晴天飛英滿徑行蹤淺好鳥親人慧舌圓
何處更來紅叱撥一犁耕破隴頭煙

夜直苦壁蝨就車中宿

容膝易爲安車中枕席寬行窩得清致佳夢接高寒浸

露星搖樹排雲月倚欄絕勝官道上轆轤逐征鞍

竹里福君輓詩

世路誰非客君爲歸去人一朝悲短夢三代失遺民風
雨蘭言寂泉臺俠骨新頽波不少待睹物倍傷神

退食

退食身多暇蕭齋暮氣深碎雲披夕照斜日蕩風林紅
入看花酒涼分隔院陰此中清意在半隱稱人心

時方移居

水南莊泛舟

秋雨新晴漲綠波秋風一葦渡長河雲容不定篷窗靜
水面無聲樹影過兩岸行人穿仄徑中流鳬鴨浴深渦
座中若有江南客應惹鄉思入夢多

摺扇

風靜片雲回涼颺逐手來暫擎新月偃斜展小屏開綠
玉排香柵冰綃疊雪堆卷舒深稱意東國妙心裁

澄悅堂詩集

卷一 鶴廳集

九

閒居

十載風塵困馬蹄息肩聊復學雞棲久諳拙性宜沈寂
詎有清標足品題秋雨一瓢花外酒晚煙雙展嶺頭泥
簇新領略閒中趣蕉鹿功名莫漫提

夜過南天門

天門戍削起巖阿闔苑仙人趁伴過秋色總隨行處濶
好山偏是夜中多何妨醉客呼醒客喜便長歌續短歌
日挂銅鉦初破曉
玉皇行殿近巍峩

遊天城萬松諸寺

谷口清幽夾翠屏兩行谿樹遍丹青芙蓉頂上紅樓敞
坐攬煙霞

天城寺額看鶴經

天半靈山萬顆松攢峰峭壁翠煙重馬蹄得得地盤徑
聽徧溪聲聽晚鐘

出西郊行至高里

蕭瑟涼歸木末風少償遊債興蓬蓬嬌生驢背憐邨女
歧入羊腸問野翁石徑香多花徧紫煙林雨足柿初紅
蒼頭日暮敲門去犬吠迎人桑柘中

澄悅堂詩集

卷一 鶴廳集

十

遊大覺寺

嵯峨西山插天漢開士幽居闢天半車行漸仄山漸高
回首白雲平似案雲起眾壑何紛紛雲開邨落青無垠
嶺樹千盤野煙合巖花夾路秋光分祇園結構勢奇妥
窈深繚曲重關鎖峻嶒崩崩陽臺峰髻螺新沐翠欲墮
中庭浮圖高百尺長松映人鬚眉碧方塘半畝十二欄
中有圓嶠三山石雲根旣礫砢水骨亦瘦透嶙峋領妙
亭石罅飛泉湊倏倏若風雨來江城竹瓦琤琤響簷溜又
如松濤夜月號空山青鸞白鶴相往還瑤琴鎮日奏流

水鍾期不返空潺湲細流彎環寺南北滙爲蓮沼滋淨
植紅衣落盡存靈根妙香自在清涼國中有

行殿依屢屨高堂翼然名四宜蒼翠盈階花映竹煙雲
滿壁畫兼詩茲遊雅寄佳山水樸野聊存古風爾入山
未深得山性煙霞有癖因之起方袍弟子烹雲芽水埽
玉泉初試茶張弓架箭大饒舌問君如何轉法華法華
妙不關語句踢翻鸚鵡從此去隔雲何處磬聲來沿谿
更訪雲中路陳詩齋與衲子
談竟不相下

黑龍潭

澄悅堂詩集 卷一 鶴屨集

士

君不見金山突兀臨江心下有中冷之水千尺深又不
見京師金山亦峻絕下有龍潭涵碧潄晦明倏忽幻色
相鬼神呵護潭下上雷車時聞阿香轉飛廉屏翳佐奔
蕩八功德水龍爲宗飛甘灑潤澤三農有時騰飛露爪
甲揚光飛文仰威容崇祠軒敞闢天半珠官貝闕擁河
漢長廊三面曲抱環續紛瑞靄雲紉縵激潭廣可數十
仞秦鏡新磨照鬚鬢中央龍穴水噴薄急瀨漫滅勢奔
迅冰玉之壺水雲居往來游泳多巨魚色黑睛突認龍
種直立水底鱗鬣舒我來正值風雨中千絲萬片飛長

空入門拾級登玉殿倪看大千世界煙溟濛樓臺隱躍
薄蜃氣蒼茫不辨西與東須臾渴虹挂天末迴視潭影
揩青銅但見西山綿亘列屏障直與太行恆山通蘊藉
深遠鬱奇傑如睹幽燕老將氣韻之沉雄重門深鎖靈
潭祕天上冰輪忽墮地中庭繪出水精宮萬片琉璃風
破碎老龍行雨欲歸來金幢玉節空中麗憶昔朱明之
月屯雨澤乾焰不熄火爲宅桔槔士女坐長歎
皇單宥密勤昭格圭璧旣殫心如悵湛恩汪濊仁旁覃
雨勢全集復解散龍情不駕雲中驂

澄悅堂詩集 卷一 鶴屨集

士

聖皇愛民赫斯怒詔書十行下丹瑤三日不雨龍無靈
請命於帝施之刑龍乃震動排旌麾雲師雨師紛追陪
大雨滂沱被四野倏若黃河之水上來龍德不違真
神奇我來展拜重嗟咨願龍守官無瑕疵五風十雨惟
其時金山龍潭匪直爲觀美千秋萬禩載在祀典光昭
垂

盆菊

青女作威刑百艸南樓雁去秋如掃籬花移近硯池邊
坐對丹黃秋不老有時香泛金屈卮細讀東坡和陶詩

簾捲西風花無語小春又欲將秋去

盆松

莊叟論齊物大小同一區齋前儲清供豈與巖壑殊我
有半尺松卓然標清孤託根拳石間凍翠凝寒株茶煙
一披拂雲鶴來虛無苔乾蝟皴毛藤蔓虬垂須茆堂生
氣色天地無稿枯人生貴自立如松得真吾

遊北園贈費禹恭

蒼茫煙景誰家樹中有鷓鴣隱雲霧錦砌花開日下春
玉珂聲散林間路丈夫立身貴及時要使人間仰羽儀

澄悅堂詩集

卷一 鶴鳳集

三

鳳舉鴻漸各有志鹽梅不換商山芝貴君人中龍早歲
已通籍四十卽抽簪素心守貞白北園有別墅近守先
人廬鶴鳴在陰其子和庭訓志此爲爰居貴君敬遺命
卜築開三徑松楸不改列悠然得名勝竹坡掩映溪水
清綠陰深處略約橫巖廊倚窳苔斑駁山石聲確峰崢
嶸太初之樓鬱高峙松亭小可陳棐几堦前挺秀盡蘭
蓀座上畱賓半角里笛聲隱隱落梅花琴韻泠泠響流
水揮殘玉塵月初白談罷金經山欲紫放懷雅慕無名
公銀絲入鬢雙顴紅塵網收不住骨節生清風憶昔與

君同爲郎丙舍咫尺還相望春秋伏臘得過從入門邱
壑堆青蒼市朝畢竟非隱所武陵桃花應笑我富貴脫
屣君獨勇煙霞成癖吾亦頗銜杯且誦歸去來坐看西
山紅葉墮

中秋夜月食後玩新月

圓靈寶鏡明三五一年一度秋光午素女鋪張玳瑁筵
高敞瓊樓開玉宇是時月殿集羣仙青童絳節分班部
翠霞之帔鮫綃衫來看霓裳羽衣舞雲中翻翰白鳳皇
枝頭調舌紅鸚鵡冰桃雪藕正登盤龍笙象管初調呂

澄悅堂詩集

卷一 鶴鳳集

古

何物妖墓募地來騰擲跳臥如哮虎壞我娑羅玉露枝
躡我桂樹香雲塢倏忽剝蝕昏且霾紅錦糊燈色如土
嫦娥卻坐顰蛾眉閨苑神人赫斯怒蓮鐸星飛紅綫劍
霜鋒電掣吳剛斧天上戰鬥不聞聲空令人間撻金還
伐鼓須臾戰勝金墓死刮垢磨光照今古千秋沙界仰
華容七寶依然橫玉杵策勳飲至理所宜樂奏重輪酌
天醕果餅堆盤兒女歡我亦從之相爾汝酒酣促席更
舉觴一尊酌月月無語笑謂兒曹汝記取年年中秋舊
月來今年中秋新月吐新月舊月本無憑但看團圓莫

清代詩文集彙編

一一一

悽苦夜深遠寺鳴疏鐘涼風送月依高樹

懷鶴珊弟

人隨朔雁塞雲邊路入醫巫海氣連逐日移家家漸遠
中宵對月月同圓風欺酒力應添量馬怯深泥想著鞭
一別黑河秋又老相思寒夢結燈煙

余丁卯一至木蘭

早出西郊

壽安一帶秀屏顏結伴來尋半日間破曉邨煙籠遠樹
嫵晴天氣湛秋山苔痕漬地黏輪碧霜葉浮溪點浪斑
前路喜逢東道主倒攜柳栗下松關

澄悅堂詩集

卷一 鶴廳集

五

遊退翁亭煙霞窟

石路谿谿陟翠岡流杯池畔酒帘颺藤盤老柏蛇紋綠
霧鎖靈槐龍爪蒼明月虛亭畱古蹟黃花滿地認仙鄉
磬聲幾度山花暝一夜鳴泉客夢涼

退翁亭次禹恭韻

一徑入深邃攀躋詎肯休石欹泉漱玉風峭樹吟秋笠
屐添新侶琴尊憶舊遊青山應笑我小別雪盈頭
曲水來何許窮源作勝游山開雲便面花綻玉搔頭摘
果閒驚鳥觀魚醉枕流晚風寒料峭欲去更遲畱

偕禹恭遊祕魔巖

一別陀林兩易裘素心招我問重游陰巖積翠珠宮冷
繡谷藏雲畫嶺秋僧不談禪空色相客因話舊尚綢繆
礪邊仙茗枝連理可約明春試啜不

禹恭與寺僧善

登寶珠洞絕頂

樵徑煙迷半葛藤仙風吹上最高層洞中老木枯于骨
天際長河東作繩北望邨墟如米聚下看培塿盡雲凝
凌空欲縱青鸞去踏遍西山得未曾

次韻酬王中涵

澄悅堂詩集

卷一 鶴廳集

六

西風落葉雁雲長撲地霜華菊又香天遣詩人常作客
古來才子久爲郎蕭蕭爽氣秋千壑涼夜吟懷月一囊
却喜鳴珂歸畫省與君聯步綴鸞行

聽索敏亭彈琴

客懷抱冰玉匡坐揮素琴湘水紛變態寒鴻遺遠音嗒
焉失故我悠然生古心之子不遐棄相期西山陰
奉和寧郡王北園題句四首

身世獨無累蕭然雲外居蒼崖當戶秀澹靄入亭虛琴
響松風操詩成蕉葉書夜深餐沆瀣爽氣滿林於

風木情何極郊原戀故居名聲金馬貴心濯玉壺虛陶
徑仍栽柳曹倉舊貯書先人靈爽在清夢一相於

綺歲論文處歸田復此居擎風松瘦硬敲露竹清虛窗
暗千絲雨燈明半榻書歲寒花事晚霜葉尚紅於

賢藩盛文藻枉轡過幽居地藉高軒重人欽若谷虛十

香分妙劑半夢耀金書佳氣占著策邱園寵賁於

王賜
十香
丹并題遺
模永保額

北園六詠

濕雲胥幽廊涼颺度翠樾書幌夜聲微藤梢吐秋月

澄悅堂詩集

卷一

鶴鴈集

七

蘿書屋

稱心得佳夢依依未肯醒願從安期遊駐茲夢中景

半

安居遯塵網清課日一匝倦來書未收風吹自開合

居

邃古有遺老逍遙獨巢居靈飄起木末高臥凌清虛

太

錦雲旋成窠殿春春欲住花香入酒卮客醉花深處

藥欄

燕子足一龕焦螟安其巢緬懷安樂吟風流真人豪

乙亥元日

鳳紀初開月建寅履端肇慶叶芳辰一年又見春如海
百懶偏驚歲逼人日上梅枝花益暖香斟柏葉酒杯新
最憐兒女嬌癡慣索換時妝拜里鄰

送姪從軍

不揮別淚染衣裾看束駝裝出里閭豪氣秋生三尺劒
壯遊心薄十年書叔癡夙抱頑仙骨汝貴應乘節使車
澄悅堂詩集

卷一

鶴鴈集

太

瀚海冰天行努力日邊翹首認雙魚

自香山往退翁亭

春色戀人愁不度征人無計將春去我來送別春可憐
歸鞍却被春畱住客秋一醉退翁亭重到林泉如故人
故人相見新年裏晴嵐暖翠增精神山容澹蕩雲滿塢
艸苗芳菲欲吐風亭小憩索深杯追陪不用煩賓主
山泉迤邐聲潺湲客心自忙水自閒流盡年光全不惜
獨彈古調春林間春林明媚秋蕭瑟別來半載風光異
物華轉換無定姿玉顏漸改君知未日斜且別春山回

重重別恨繁吟懷賦別誰有江郎才

萬壽山直退遇雪

去歲梅花不見雪驢背詩情清欲絕今年補出一番春
連朝畱住冰壺月寒雲壓空玉龍鬬鱗甲飄零滿衣袖
散作上林萬樹花杏枝誤作梅花嗅歸途買酒溪邊樓
褰帷遠景一望收老柏勁含太古色我與青山同白頭

登舞劍臺

捫蘿陟靈境星斗薄層臺鳥語青巖外雲翻碧澗隈鐘
聲迎客至泉響抱山回長劍天堪倚臨風憶將才

澄悅堂詩集

卷一 鶴廳集

尤

盤山

煙鬟重疊碧峰寒一逕松陰幾曲灘風遞泉聲喧雨澗
日蒸花氣上三盤好山如畫宜春至殘雪留巖隔嶺看
最是

玉皇行樂地娜嬛畫永集仙官

登雲罩寺絕頂

挂月峰迴霄漢間芙蓉千朵擁煙鬟黏天一綫星查水
涌地層青雁塞山十八盤中仙闕近三千界外客心閒
行歌欲向雲深處又遇真人采藥還

夜往 南苑

月漾金波徹夜明好風吹客度重城到來歧路車輪緩
踏去柔莎馬足輕老樹心空生野火煥寒春暖磔新鶯
歸途悄寂渾無事流水聲中聽鹿鳴

移居

卅年陶徑已平蕪卜築蠡摹舊畫圖杏雨竹風皆澹逸
拳山勺水亦清孤茶槍開處僅分梳花箭添時手挈壺
珍重先人游息地幾番回首重踟蹰

澄悅堂詩集

卷一 鶴廳集

子

視北香南位置新塔下輕紅花愛客梁間輒語燕疑賓
可能適我煙霞性買箇青山作比鄰

偕吉孚尹遊西堤

荷錢貼水稻連塍嵐翠浮空霽景數十里人行青玉案
一鞭騎入綠雲層幽廊花晚客呼酒遠浦日斜魚上簪
舊說西湖遊展盛風華點染記新曾

偕吉孚尹遊香山翠微諸勝遂至戒臺

盪胸脫鞵鞅飛雲共超越結隊出邨墅清歌託同調滯
陰翳高空秋陽旋隱曜商飈挾雨來欲與遊情拗人定